

【放紙鷂仔】湯文豪原作

你看該天頂有當多飛上飛下個紙鷂仔，該紙鷂仔同單純個天頂，點妝到像一張靚靚個畫，同天頂變做像人生個競技場。

逐年十月中甸邊仔，會吹東北風，該就係俚講个「九降風」。你兜知九降風來嘅下，做得做麼个無？該風做得晒米粉、吹米粉。該風毋會當大，吹起來會分人感覺著當涼爽！恁樣秋高氣爽个天時，乜當適合放紙鷂仔。

就像苗栗市公所，逐年就會在後龍溪脣頂个模型飛機場，舉辦放紙鷂仔个活動，市公所就會特別邀請，別隻國家膠膠臺灣放紙鷂个協會，大家湊等來共下放紙鷂仔。佢兜會放兜古古怪怪个紙鷂仔，在天頂表演分大家看，像係大魷魚仔、蜈蚣蟲、會出煙个火車嬲拉等緊拂尾个車子。還過，會在天頂搖來搖去，走相逐、打環車、打舂斗<sup>1</sup>个紙鷂仔，親像燕仔在天頂樣仔，你逐佢、佢逐你，感覺當生趣。佢兜互相展現出自家團隊所研究出來个紙鷂仔，看麼儕个紙鷂仔在天頂較會飛。

市公所會邀請社區對唱歌仔、跳舞有興趣个鄉親，來舞臺頂

展工夫，乜會邀請歌星來唱歌仔；還過有摸彩、有獎徵答送紙鷂仔、大家共下食客家美食「四炆四炒」个活動，目的就係愛錫過較多个人來現場放紙鷂仔，愛膠會場搵到較鬧熱兜仔。

其實，不管哪央時，總愛有風，就做得放紙鷂仔。還記得佢讀小學个時節，阿爸渡佢去河壩脣个草坪頂放紙鷂仔，阿爸同線仔爛在紙鷂仔頂，佢膠紙鷂仔拿高高，佢就拉等線仔盡命拈向前走，該紙鷂仔就順等風飛起來吔！阿爸講：「手愛緊拉緊放線仔，該紙鷂仔就會順等風，緊飛緊高。」佢講：「天頂就盡像人生个競技場，愛用該色目靚靚个紙鷂仔，來打扮演出，儘量發揮飛个本等，分天頂變做當靚个畫。」阿爸所講个人生道理，分佢感受當深，佢毋會毋記得。

總講一句，人生就像放紙鷂仔共樣，有起有落，佢做得在天頂自由自在个飛，起落之間總愛控制好來。總係，線仔罉罉罉大條，還過愛拉來穩，一拉一放，膠佢控制好，測著要領，就毋會蹶<sup>2</sup>下來；若係無拉好抑係斷線就會跌落深坑，蹶毋起來。故所，佢俚定著愛掌握好人生个道路，愛知各人頭頂一片天，愛煞猛打拚，恁樣正會有較好个成就膠發展。

<sup>1</sup> 打舂斗：音 da` kin deu`；翻跟斗。

<sup>2</sup> 蹶：音 zud；觸擊、衝撞。